

դեան երեք մասն գաղթեցին Պարսկաստան եւ
 Շահաբբաս բնակեցրեց նրանց նոյն իսկ Սպա-
 հանի մէջ: Նոյնպէս 1603 թուին Մեւքիսէթ
 Կաթուղիկոսն իր երկու եպիսկոպոսների հետ
 գնաց Սպահան եւ յորդորեց թագաւորին գալ
 աղատել Հայաստանն Օսմանցւոց ձեռքից: Այդ
 եկաւոր Հայերի եւ Կաթուղիկոսի վկայութիւնը
 համոզեցին Շահաբբասին, որ իր դիտաւորու-
 թիւնը կարող է հեշտութեամբ իրագործել,
 որովհետեւ բնիկ ժողովուրդն իր կողմն պէտք է
 լինի: Տեսնելով Հայերի՝ իր արշաւանքի մէջ
 իրան օգնելու այդ պատրաստակամութիւնը,
 Շահաբբաս մեծապէս ուրախացաւ եւ արդէն
 պատրաստուում էր զօրաժողով լինել, երբ մի
 նոր յաջող առիթ ներկայացաւ եւ ստիպեց
 նրան աճապարել: Սալմաստի իշխան Քիւրտ
 Ղազի խանը, իր մեծաւոր Թաւրիզու Ալի փա-
 շայից նեղուելով, կամեցաւ Պարսից կողմն ան-
 ցնել, ուստի մի դեսպան ուղարկեց Շահաբբա-
 սին, թելագրելով նրան գալ Հայաստան եւ
 հանել Օսմանցիներին, խոստանալով ըստ ամե-
 նայնի ձեռնտու լինել նրան: Ղազի խան դես-
 պանն ուղարկելուց՝ յայտնի կերպով ապստամ-
 բեց Ալի փաշայից: Ստանալով այդ հրաւերը,
 Շահաբբաս անմիջապէս ժողովեց իր նախարար-
 ներին, խաներին եւ բազմաթիւ զօրք, եւ շտա-
 պով չուեց դէպ ի Թաւրէզ: Իր հետ առաւ
 Հայերից շատերին եւ Մեւքիսէթ Կաթուղի-
 կոսին: Մինչդեռ Օսմանցիները ոչինչ չգիտէին
 եւ Ալի փաշան իր 20 հազար զօրքով գնացել